



REPUBLIKA E SHQIPËRISË
MINISTRIA E DREJTËSISË
MINISTRI

Nr. ~~148~~ / Prot.
5

Tiranë, më 16 / 06 / 2022

URDHËR

Nr. ~~177~~, datë 16 / 06 / 2022

**“PËR PEZULLIMIN E LICENCËS SË USHTRIMIT TË PROFESIONIT TË NOTERIT,
NOTERIT ERVIN HASANI”**

Në mbështetje të pikës 4, të nenit 102, të Kushtetutës, të pikës 2, të nenit 7, të Ligjit nr. 8678, datë 14.05.2001 “Për organizimin dhe funksionimin e Ministrisë së Drejtësisë”, i ndryshuar, të gërmës “a”, të pikës 1, të nenit 18, të Ligjit nr. 110/2018 “Për noterinë”, i ndryshuar,

KONSTATOJ:

Noteri Ervin Hasani, i cili e ka fituar të drejtën e ushtrimit të profesionit të noterit bazuar në Urdhrin e Ministrit të Drejtësisë nr. 441 datë 01.08.2014, në Rrethin Gjyqësor Lushnje, nëpërmjet shkresës me nr. E-148 prot., datë 19.05.2022, ka paraqitur kërkesën e tij për pezullimin e licencës së noterit, me një kohëzgjatje 8 mujore, për arsye shëndetësore.

Bashkëlidhur kërkesës së tij z. Hasani ka dorëzuar dokumentacionin mjekësor, duke parashtruar se prej më shumë se 3 vitesh vuan nga disku degjenerativ i kolonës vertebrale. Pavarësisht trajtimit me fizioterapi, regjim dhe qetësues, si pasojë edhe e qëndrimit ulur me orare të zgjatura prej profesionit të tij, kjo gjendje është bërë konstante dhe pa asnjë përmirësim.

Në këto kushte, duke qenë se gjendja e tij fizike është e rikuperueshme, me qëllim kurimin e mëtejshëm sipas nevojave shëndetësore, noteri kërkon të pezullojë licencën për ushtrimin e profesionit të noterit për një periudhë 8 mujore. Në lidhje me administrimin e arkivit të tij noterial gjatë kësaj periudhe kohore, noteri propozon t’ia kalojë noterit Sherif Shehu, me dakordësi nga ana e tij.

Bazuar në pikën 3, të nenit 18, të Ligjit nr. 110/2018 “Për noterinë” i ndryshuar, ku parashikohet se “Ministri i Drejtësisë vendos për pranimin ose refuzimin e argumentuar të kërkesës për pezullimin e përkohshëm të licencës së noterit, duke marrë në konsideratë edhe mendimin e Dhomës”, Dhoma Kombëtare e Noterisë, nëpërmjet shkresës së protokolluar pranë nesh me nr. E-148/1 prot., datë 06.06.2022, shpreh miratimin për pezullimin e përkohshëm të veprimtarisë noteriale të noterit Ervin Hasani për periudhën e sipërcituar.

Për sa më sipër, vlerësojmë se, noteri Ervin Hasani gjendet përpara parashikimeve të nenit 18, pika 1 sipërcituar, pra përpara rastit kur noteri ka të drejtë të kërkojë që licenca e tij të pezullohet

përkohësisht, për shkaqe shëndetësore, të provuara nga vërtetimi i gjendjes shëndetësore, sipas legjislacionit në fuqi,

PËR KËTO ARSYE:

Në mbështetje të pikës 4, të nenit 102, të Kushtetutës, të pikës 2, të nenit 7, të ligjit nr. 8678, datë 14.05.2001 "Për organizimin dhe funksionimin e Ministrisë së Drejtësisë", i ndryshuar, të germës "a", pikës 1, të nenit 18, të Ligjit nr. 110/2018 "Për noterinë", i ndryshuar,

URDHËROJ:

1. Pezullimin e përkohshëm të licencës së ushtrimit të profesionit të noterit Ervin Hasani, anëtar i Degës Vendore të Noterisë Vlorë, për periudhën kohore 8 muaj nga hyrja në fuqi e këtij urdhri, për arsye shëndetësore;
2. Caktimin e noterit Sherfi Shehu për administrimin e arivës noteriale, deri në përfundimin e afatit të pezullimit të Licencës sipas parashikimeve në pikën 1 të këtij urdhri.
3. Ngritjen e Komisionit të Dorëzimit të Arkivit të përbërë nga anëtarët e mëposhtëm:
 - a.) Znj. Hyri Ramaj, specialiste pranë Ministrisë së Drejtësisë;
 - b.) Znj. Erisa Sulçe, specialiste pranë Ministrisë së Drejtësisë;
 - c.) Një noter i caktuar nga Dega Vendore e Noterisë Vlorë.
4. Lënien në ruajtje të vulave respektive, vulën e thatë dhe vulën e njomë, të noterit Ervin Hasani, deri në përfundimin e afatit të pezullimit të Licencës;
5. Komisioni i Dorëzimit të Arkivit menjëherë pasi të njihet me këtë urdhër, të caktoj datën dhe orën e dorëzimit të arkivit, si dhe të njoftoj noterin z. Ervin Hasani 5 (pesë) ditë përpara për datën dhe orën e caktuar.
6. Të njoftohen menjëherë me përmbajtjen e këtij Urdhri institucionet e linjës, Dhoma Kombëtare e Noterisë, gjykatat e shkallës së parë dhe apelit, Gjykata e Lartë, Gjykata Kushtetuese, Prokuroria e Përgjithshme, Struktura e Posaçme Kundër Korrupsionit dhe Krimin të Organizuar, Gjykata e Posaçme e Shkallës së Parë për Korrupsionin dhe Krimin e Organizuar, Gjykata e Posaçme e Apelit për Korrupsionin dhe Krimin e Organizuar, Drejtoria e Përgjithshme e Parandalimit të Pastrimit të Parave, Bankat e nivelit të dytë.
7. Gjatë marrjes në dorëzim të arkivit, Komisioni i Dorëzimit të Arkivit të verifikojë përputhshmërinë e të gjithë dokumentacionit dhe akteve noteriale që përmban arkiva me veprimet e reflektuara në regjistrat noterialë, si dhe të evidentojë çdo mungesë dhe çdo dëmtim të dokumenteve arkivorë, nëse ka të tilla.

8. Ky urdhër, së bashku me të dhënat përkatëse, të regjistrohen në Regjistrin e Noterëve në Ministrinë e Drejtësisë dhe Dhomës Kombëtare të Noterisë.
9. Ngarkohet Drejtoria e Përgjithshme Rregullatore e Çështjeve të Drejtësisë në Ministrinë e Drejtësisë dhe Dhoma Kombëtare e Noterisë, për marrjen e masave të nevojshme për zbatimin dhe njoftimin e këtij Urdhri.
10. Ky Urdhër publikohet në faqen zyrtare të Ministrisë së Drejtësisë.

Ky urdhër hyn në fuqi menjëherë.

MINISTRI


Ulsi Manja

